



JABATAN WILAYAH PERSEKUTUAN

Blok 2, Menara Seri Wilayah, Presint 2, 62100 Putrajaya

Tel: 03-8000 8000 Faks: 03-8889 7957

Laman web: www.jwp.gov.my

SIARAN MEDIA

PROGRAM HALF MARATHON DAN LARIAN HARI WILAYAH PERSEKUTUAN 2025 BENTUK WARGA SIHAT BANDAR CHASE

PUTRAJAYA, 1 FEBRUARI 2025 - YB Dr. Zaliha Mustafa, Menteri di Jabatan Perdana Menteri (Wilayah Persekutuan) telah menyempurnakan Sesi Flag Off pelepasan seramai 8,100 peserta Half Marathon dan Larian Hari Wilayah Persekutuan 2025 peringkat WP Putrajaya yang bermula di Jambatan Putra, Putrajaya malam ini.

Acara 21 kilometer dan 10 kilometer Half Marathon serta 5 kilometer Fun Run Larian Hari Wilayah Persekutuan ini menyasarkan penyertaan sebanyak 8,000 peserta namun telah menerima sambutan yang sangat memberangsangkan dan melebihi sasaran yang ditetapkan Jabatan Wilayah Persekutuan dan Perbadanan Putrajaya. Program ini merupakan kerjasama strategik bersama JomRun dan merupakan siri pertama larian sempena Sambutan Hari Wilayah Persekutuan 2025.

Program Half Marathon dan Larian Hari Wilayah Persekutuan ini juga menjadi platform yang membuka peluang kepada masyarakat untuk berkumpul dan berinteraksi di samping mengeratkan perpaduan sesama warga Wilayah Persekutuan dengan amalan gaya hidup sihat.

Siri kedua larian ini akan diadakan di Wilayah Persekutuan Labuan pada 9 Februari 2025 dan siri ketiga di Dataran Merdeka, Wilayah Persekutuan Kuala Lumpur pada 16 Februari 2025. Pendaftaran bagi Larian Hari Wilayah Persekutuan Kuala Lumpur dan Labuan masih dibuka menerusi aplikasi JomRun.

Selaras komponen Healthy City atau Bandar Sihat menerusi visi Bandar CHASE, program sebegini diharap dapat membentuk komuniti Wilayah Persekutuan yang sentiasa mengutamakan kesihatan dan mengamalkan gaya hidup cergas dan aktif sekaligus dapat melahirkan generasi yang memiliki badan yang cergas, minda yang cerdas.

Sempena Sambutan Hari Wilayah Persekutuan 2025, orang ramai dijemput untuk menyertai lebih dari 60 program yang dianjurkan di Wilayah Persekutuan Kuala Lumpur, Putrajaya dan Labuan sepanjang bulan Februari termasuklah mengibarkan bendera Wilayah Persekutuan tanda semangat dan sayang setiap warga.

**Disediakan oleh:
Bahagian Komunikasi Korporat
Jabatan Wilayah Persekutuan
1 Februari 2025**